

2025 թվականի ապրիլի 7-ից 11-ը Ավստրալիայի Համագործակցություն կատարած գործուղման արդյունքների մասին

1. Անունը, ազգանունը, գրադեցրած պաշտոնը

Սարգիս Արամյան, Կադաստրի կոմիտեի անշարժ գույքի գրանցման միասնական ստորաբաժանման ղեկավար

2. Գործուղման վայրը և ժամկետները.

Բրիզբեն, ապրիլի 7-ից 11-ը:

3. Հրավիրող կողմը.

Չափագրողների միջազգային ֆեդերացիա (FIG)

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն Չափագրողների միջազգային ֆեդերացիայի (FIG) աշխատանքային շաբաթին

5. Քննարկված թեմաները.

Միջոցառման ընթացքում քննարկվել են հետևյալ թեմաները.

- Աշխարհատարածական նորարարությունը,
- Մասնավոր հատվածի ներդրումը ՄԱԿ-ի կայուն զարգացման նպատակների համար,
- Չափագրողների ստանդարտների ցանցին առնչվող նստաշրջան,
- Կլիման և կայուն զարգացումը,
- Անդամների ասոցիացիայի համաժողով (ներառյալ Տարածաշրջանային մարմինների համաժողովը),
- Կառավարությունների վճռորոշ դերը ՄԱԿ-ի կայուն զարգացման նպատակներին հասնելու համար,
- Կլիմա և աղետ,
- Չափագրողների միջազգային ֆեդերացիայի հանձնաժողովների նախագահների ընտրություն,
- Չափագրողների միջազգային ֆեդերացիայի գլխավոր ասամբլեա,
- Չափագրողների միջազգային ֆեդերացիայի հանձնաժողովների տարեկան ժողովներ,
- ՄԱԿ-ի կայուն զարգացման նպատակների և մասնագիտական կրթության միջև կապը աշխարհատարածական աշխարհում,
- Ակադեմիական համաժողով,
- Տարածաշրջանային կարողությունների զարգացման հանդիպում - Աֆրիկայի տարածաշրջանային ցանց,
- Չափագրողների միջազգային ֆեդերացիայի կորպորատիվ անդամների հանդիպում:

6. Հանդիպումները, ելույթները, բարձրացված կամ քննարկված հարցերը.

Չափագրողների միջազգային ֆեդերացիայի (FIG) աշխատանքային շաբաթվա շրջանակում ներկայացվել է «Հայաստանում կադաստրային քարտեզների սխալների ուղղումը երկրատարածական տեխնոլոգիաների կիրառմամբ» խորագրով զեկույցը շնորհանդեսի տեսքով:

Անդրադարձ է կատարվել Հայաստանի Հանրապետությունում 2021 թվականին մշակված իրավական կարգավորումների հիման վրա կադաստրային քարտեզների սխալների հայտնաբերման և ուղղման ուղղությամբ իրականացվող աշխատանքներին, ինչպես նաև կիրառվող նորարարական մեթոդներին: Հատուկ ուշադրություն է դարձվել երկրատարածական տեխնոլոգիաների՝ ներառյալ աշխարհագրական տեղեկատվական համակարգերի և հեռազննման նյութերի օգտագործման արդյունքում ձեռք բերված նշանակալի առաջընթացին:

Զեկույցին հաջորդել է աշխատանքային քննարկումներ, որի ընթացքում Սարգիս Արամյանը միջազգային գործընկերների հետ քննարկել է մասնագիտական ոլորտին առնչվող հարցեր, ներկայացրել է Հայաստանի փորձը Կադաստրի կոմիտեի կողմից մատուցվող էլեկտրոնային ծառայությունների վերաբերյալ: Ս. Արամյանի կողմից նշվել է միջազգային գործընկերների հետ փորձի փոխանակման կարևորությունը, որն իր դրական ազդեցությունն է ունենում Չափագրողների միջազգային ֆեդերացիայի շրջանակներում համագործակցության խորացման տեսանկյունից:

Պանելային քննարկումների ժամանակ միջազգային գործընկերների կողմից հնչեցվել են ոլորտին առնչվող հարցեր, որոնց տրվել են մասնագիտական պատասխաններ:

Միջազգային ասպարեզում Հայաստանի փորձը ներկայացնելը նպաստում է պետության՝ տվյալ ոլորտում ունեցած նվաճումների միջազգային ճանաչմանը և գեոդեզիայի ու չափագրման ոլորտի միջազգային մասնագետների հետ մասնագիտական կապերի ամրապնդմանը:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Կադաստրի կոմիտեի անշարժ գույքի գրանցման միասնական ստորաբաժանման ղեկավար Սարգիս Արամյանը հանդիպումներ է ունեցել Չափագրողների միջազգային ֆեդերացիայի տարածական տեղեկատվության կառավարման, կադաստրի և հողերի կառավարման, ինչպես նաև անշարժ գույքի գնահատման և կառավարման հանձնաժողովների ներկայացուցիչների հետ:

Կարևորվել է Կադաստրի կոմիտեի ներկայացուցիչների ակտիվ մասնակցությունը առցանց հանդիպումներին, ինչպես նաև ֆեդերացիայի կողմից առաջարկվող մասնագիտական թեմաներով հոդվածների ներկայացման աշխատանքներին:

Պայմանավորվածություն է ձեռք բերվել համագործակցության

շարունակականությունն ապահովելու ուղղությամբ:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Բաց և կառուցողական քննարկումներից հետո պայմանավորվածություն է ձեռք բերվել շարունակել համագործակցությունը՝ կազմակերպելով կանոնավոր հանդիպումներ, սեմինարներ և համատեղ աշխատաժողովներ:

9. Ստորագրությունը, ամսաթիվը:

Սարգիս Արամյան



15.04.2025 թ.